

王斐(王文義)詩詞作品專輯

南瀛詩詞 第580期

菲律濱南瀛吟社編

2024年12月17日

七律

晚春二首 5-20-2024

一
花凋草老暮煙飛，遁入紅塵學采薇。
四海無家千里客，三更有夢幾人歸。
異鄉白骨知多少，故國青山已漸稀。
迴首風華零落處，當年物事早全非。

二
不覺流年是與非，故園風雨夢依稀。
一身病骨人消瘦，千島浮名國未歸。
半世青雲空變色，滿山落木失菲薇。
琴中曲奏蘭陵酒，萬里鄉思不忍飛。

和阿燦兄 3-12-2023

買棹南來安寄身，半生飄泊作流人。
詩中家國夢千里，醉裡身心餘一塵。
夜半琴聲聲有憾，花間笑影影非真。
蘭盟老友終難忘，回首當年益愴神。

和弄潮兄《秋夜》 11-21-2022

故園千里夢悠悠，落葉西風正晚秋。
不盡鄉思隨逝水，暫將椰島作方舟。
回眸北望驚官惡，買棹南來覺自羞。
異地情懷非異地，天朝新事惹新愁。

最美人間四月天 5-20-2022

最美人間四月天，悵然迴首憶從前。
飛鷗點點漁舟近，老樹森森啼鳥穿。
碧浪銀沙無俗韻，農田莊舍有炊煙。
如今海岸盡工廠，三廢橫行年復年。

冬至 1-02-2022

一片春光入夢中，歲華冉冉日初長。
醒來始覺家山遠，冬至方知朔氣涼。
幾道音頻縈故國，半杯老酒醉他鄉。
悵然回首歸魂處，雲海蒼茫夜未央。

和廈門詩會張簪塔

故國多年未見春，落花異地最愁人。
詩成懷舊心潮湧，酒醉思鄉玉盃頻。
萬里書翰空結契，半生飄泊總違親。
關山明月今猶是，域外憑誰說更新。

丙戌迎春以「偶見梅花覺已春」入句

茫茫積雪擁殘雲，偶見梅花覺已春。
北國冰封寒氣減，南方日暖物華新。
胸中塊壘澆難散，世外桃源夢不真。
聊作小詩辭舊歲，靜聽爆竹弔斯民。

平安夜韻和亞君〔獨臥山中〕

12-25-2006

未曾一枕入邯鄲，薄酒輕斟夜正闌。
今夕狂歡人有約，此時寂寞我孤單。
杯中半滿忘情水，醉裏千鍾汎淚瀾。
壁上銘文空留蹟，何時走馬到長安。

二
歷劫方知世有癡，猶聞佈道已聲闌。
今宵短訊傳佳句，明日長歌買酒單。
不信天堂無惡棍，只緣南島有狂瀾。
與君共度狂歡夜，但願神明賜福安。

原韻和一陣風《春愁》 03-08-2007

浮生無計避塵囂，又見街頭彩旗飄。
不怕風來催好雨，只愁日落起寒潮。
杯中酒冷青衫濕，臺上歌凝翠袖搖。
自是春殘花漸老，曲終筵散人寥寥。

夜讀亞君《春將別》，悵然有感，依原玉成此和之 04-18-2007

花開花謝盡春風，多少飛花入夢中。
葉底凋零何處異，枝頭香艷幾回同。
明知歲歲終須有，更解年年應落空。
待到東君歸去後，又將醉酒悼殘紅。

次韻奉和阿慶兄《懷念醜人好友》

10-02-2012
岷江綠島說分離，欲奏驅歌意却遲。
滿室高朋談往事，多年好友釋傳奇。
飛觴擊節真豪客，下筆行文是老師。
一別風雲千萬里，何時載酒賦歸期。

五律

依韻和醜人《自嘲》 5-31-20007

平生最愛靜，酒醉卻狂顛。
駕鶴思環海，催鯨欲上天。
無緣成劍客，有意學詩仙。
好作清高夢，囊中又乏錢。

日暮客愁新 6-06-2007

遇C君，談起前塵往事，不勝唏噓，感而成此，以應弄潮兄之命。
廿載作流民，僑居菲律賓。
臨風思故舊，借酒養精神。
異國風光好，家鄉品物親。
春歸花漸老，日暮客愁新。

再依刪韻成《無心待月》

未忘中秋節，無心待月還。
舉杯空自醉，拍案論時艱。
人道黃花早，誰悲翠髮斑。
撫琴思故國，看劍起愁顏。

客地有感——原韻和農夫

「有感客地夜雨日晴」 9-08-2009
南方物產多，社會亦祥和。
海淺魚穿草，山高鳥入禾。
歌輕人婉約，酒醉客婆娑。
世外無雙地，風清可治河。

次韻和柳夢影《送友詩》 10-22-2009

當年虎嘯處，何日可重遊。
歲遠青春渺，霜凝白髮秋。
臨川悲逝水，望海羨飛鷗。
莫說傷心事，今宵月滿樓。

五絕

盛夏新荷 7-18-2024

素葉連天碧，花開別樣紅。
身居髒水裡，根在污泥中。

原韻和阿燦《馬德雷山中放箏》

2-10-2024
風箏高百尺，白眼看青山。
一旦無人理，終歸是等閒。

和阿燦《又見金露花開》 4-17-2023

金露繽紛至，籬邊日欲斜。
入門君未見，先賞滿園花。

和自小兄《家山月正明》(捲簾體)

10-11-2022
家山月正明，月下有哀情。
百姓千般苦，不平何處鳴。
月下哀情，誰來作善行。
只知歌聖德，不敢問規程。
百姓千般苦，心中憤滿盈。
貪官何處是，鄉鎮到京城。
不平何處鳴，欲語意難平。
渺渺神州夜，家山月正明。

步弄潮兄《白露》原韻 9-10-2017

九曲長河日夜流，綠汀沙渚有鳴鳩。
青天白鷺如詩畫，碧樹紅牆是酒樓。
百代江山留聖迹，一灣風月繫蘭舟。
逢人只說風光好，自道天涼好個秋。

夜半感懷 5-13-2022

南海飄蓬近冊秋，望中家國幾回頭。
空將歲月留千島，未領風騷到九州。
萬里征程空落幕，一腔心事總難酬。
今宵夢斷浮名碎，夜半琴聲動遠愁。

賀阿占新著出版 6-14-2022

阿誰文筆可稱奇，占得竿頭獨一枝。
新作為人添好冊，著書緣自發深思。
雲中野鶴三山客，淡裡茶煙兩局棋。
風度翩翩情不老，輕車駕就路如詩。

七絕

龍蹤 2-25-2024

九州處處有龍蹤，廟宇殿堂盡是龍。
龍柱龍門龍屋脊，真龍卻在有無中。

原韻奉和阿燦兄二首 12-20-2023

一片山河一片心，我今留跡有誰尋。
靈思一路孤行客，總有詩聲不住吟。
看破紅塵一點心，靈山秀水好追尋。
茫茫海煙波裡，一葉扁舟獨自吟。

步阿燦原韻《贈故人》 10-30-2023

機場握別語殷殷，萬里相思寄碧雲。
再入紅塵人已老，花開花謝總憐君。

又是清明 4-06-2023

清明清明復清明，百歲人生不了情。
一年一度清明節，唯見新莖疊舊莖。

和阿燦《過山泉》 4-18-2023

家山石奇清泉冷，傍海灣灣有樹林。
闊別多年無再過，相思萬點沁人心。

和柳夢影三首 3-12-2023

一、黃昏見薔薇開花
瓶中日日一枝斜，玉葉青青不必嗟。
滿室幽香靈有感，春蘭秋菊四時花。
二、贈花
嫩枝細葉小花開，一片清香勁自來。
日日殷勤終有報，滿園春色任君裁。
三、落日紅
曙色光消夕照紅，花開花落也匆匆。
盈虛得失誰能識，笑對人生兩與風。

野花 3-11-2023

風雨涼涼次第來，山村市井四時開。
群芳怯與爭顏色，得自天然不必裁。

「快雨疏風六月涼」入句七絕三首(軋體) 7-25-2022

快雨疏風六月涼，山河暗淡日昏黃。
亂雲黑霧消難盡，似覺今朝下雪霜。
無詩無酒少花香，快雨疏風六月涼。
今夜友人來作客，如花如酒勝紅粧。
少酒談詩話更長，無邊心事任飛揚。
烹茶品物添情趣，快雨疏風六月涼。

賀醜人《譯諸子百家》成功出版 6-10-2022

文筆風流醉可賒，好將詩酒作生涯。
百家諸子譯英漢，別出菲華第一家。

原韻和弄潮兄 9-30-2005

南國終年景物幽，故鄉九月已深秋。
感時雨灑傷心淚，恨別風吹萬里愁。

和劉一氓 10-05-2005

他鄉淪落幾春秋，如水年華去不留。
我亦平生多憾事，一樣飄泊未曾休。

也和「五一」 5-01-2007

請想想那不絕的礦難，為那些苦難的同胞發一點聲音吧...
千難萬險時傷身，粗重骯髒又薄薪。
都說光榮都讚美，為何不作採煤人。

依韻和醜人《台灣災難》 8-12-2009

頻頻大難襲同胞，地震颱風誰不焦。
台島汶川皆惡報，都是民賊把災邀。

次韻奉和亞君兄《秋夜》 08-21-2009

一輪明月入長空，遍地銀光如雪融。
桂樹風回香遠近，歌樓客醉玉西東。
庭前秋色連天黑，畫上桃花滿眼紅。
今夜無人相對酌，為伊携酒到夢中。

癸巳春遊鼓浪嶼

招牌遊客亂紛紛，鼓浪洞天已不存。
夾道沿街人叫賣，房前屋後店開門。
琴聲世界添商界，海上花園失樂園。
綠樹紅樓多少夢，空餘殘影弔黃昏。



詞

依黃庭堅《千秋歲·苑邊花外》 2-10-2024

漫天煙火，方覺殘年退。
愁緒起，思潮碎。
何時歸故國，再次剗藍帶。
曾記否，醉翁賭酒聲聲對。
夜冷誰知會，為我添衣蓋。
人不見，香猶在。
索琴音已渺，看月心常改。
真似夢，紅塵一曲空沉海。

浣溪沙·端午感懷 7-25-2023

故國多年未重遊，端陽風雨枉回眸，汨羅江裡水悠悠。
萬里癡痕譏看客，一聲無奈又登樓，長河東去使人愁。

和弄潮兄十六字令《初冬抒懷》 12-24-2022

一
癡，何事閑來愛賦詩。
蕭蕭雨，能不起鄉思？
二
迷，醉裡歸心似欲飛。
同行者，卻是弄潮兒。
三
奇，南國冬來發幾枝。
花開放，正值月明時。

原韻和清風《訴衷情》 12-30-2006

南天不見有飛鴻，翹首望雲峰。
錦書欲寄誰托，都付夢魂中。
春又到，舊東風，入簾櫳，
半絲消息，萬種情懷，一陣惺忪……

依韻和《小重山·長夜》 9-05-2007

又操洋琴徹夜鳴。
高山流水曲，有悲聲。
自彈自奏怕孤零。
知音少，絃外與誰盟？
不是為浮名。
百年身後事，早言輕。
一懷愁緒說難清，
披衣起，無語到天明。

鵲橋仙·七夕 8-26-2009

池中月缺，籬邊菊瘦，
天上星迴幾度。
年年七夕說相思，
就今夜，憑誰細訴。
銀河水冷，巫山雲斷，
只有深情如故。
傷心微雨又瀟瀟，
夢千里，相逢何處。

